



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

9/20182

< 09 > 08

2023թ

**Տիգրան Արեգի Սարգսյանին
Հասցե՝ Արարապի մ., Նոր Խարբերդ, 21-րդ փ., 14/3**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8300664967 և թիվ 8300664971 վարչական ակտերը բեկանելու և վարչական իրավախախտումների վերաբերյալ գործի վարույթը կարճելու մասին որոշումները:

Առդիր՝ « 4 »թերթ:

**Պերի պարտականությունների
ժամանակավոր կատարող,
ոստիկանության գնդապետ՝**

Ա. Մաթևոսյան

Կատ. Մ.Գույումջյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 27.06.2023թ.-ին կայացված թիվ 8300664967 և թիվ 8300664971 որոշումները բեկանելու և վարչական իրավախախտման վերաբերյալ գործի վարույթները կարճելու մասին

«08» 08 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ՝ Ա.Մաթևոսյանս, վերանայելով Տիգրան Արեգի Սարգսյանի (Այսուհետ՝ դիմող) 10.07.2023թ.-ի (ՊԾ ստացված 11.07.2023թ.-ին) դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

27.06.2023թ.-ին՝ ժամը 02:45-ի սահմաններում, Երևան քաղաքի Սուրբ Գրիգոր Լուսավորիչ փողոցում դիմողի վարած «Մերսեդես-Բենց» մակնիշի 35 PC 377 հաշվառման համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Երևան քաղաքի գնդի պարեկ Աղասի Պողոսյանի կողմից՝ տրանսպորտային միջոցը անվտանգության գոտիով չամրակապված վիճակում վարելու /թիվ 8300664967 որոշում/ և անվտանգության գոտիով չամրակապված ուղևոր փոխադրելու համար /թիվ 8300664971 որոշում/ «Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 5-րդ մասի «բ» կետի խախտումների համար «Վարչական իրավախախտումների վերաբերյալ» ՀՀ օրենսգրքի 123.3-րդ հոդվածի հատկանիշներով կազմվել են վարչական իրավախախտման վերաբերյալ արձանագրություններ և կայացվել վարչական իրավախախտման գործով թիվ 8300664967 և թիվ 8300664971 որոշումները՝ դիմողին յուրաքանչյուր վերը նշված իրավախախտման համար համապատասխանաբար 10.000 ՀՀ դրամի չափով տուգանելու և 1 տուգանային միավոր կիրառելու մասին:

Դիմողը 10.07.2023թ.-ի (ՊԾ ստացված 11.07.2023թ.-ին) դիմումով իր անհամաձայնությունն է հայտնել 27.06.2023թ.-ին ՀՀ ՆԳՆ ոստիկանության պարեկային ծառայության կողմից կայացված թիվ 8300664967 և թիվ 8300664971 որոշումների վերաբերյալ և խնդրել բեկանել վերը նշված որոշումները:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական

հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 27.06.2023թ.-ին կայացված թիվ 8300664967 և թիվ 8300664971 որոշումները ենթակա են բեկանման հետևյալ պատճառաբանությամբ.

ՀՀ ՆԳՆ ոստիկանության պարեկային ծառայության ծառայողի պարզաբանման համաձայն՝ դիմողը Երևան քաղաքի Սուրբ Գրիգոր Լուսավորիչ փողոցում «Մերսեդես-Բենց» մակնիշի 35 PC 377 հաշվառման համարանիշի տրանսպորտային միջոցը վարել է անվտանգության ամրագոտիով չամրակապված վիճակում, և փոխադրել է անվտանգության գոտիով չամրակապված ուղևոր: Իրավախախտումները եղել են իր տեսադաշտում՝ հստակ և պարզ տեսանելի, ինչի համար էլ օրենքով սահմանված կարգով կազմել է վարչական իրավախախտման վերաբերյալ արձանագրություններ և կայացրել որոշումներ:

«Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 5-րդ մասի «բ» կետի համաձայն՝ կառուցվածքով նախատեսված անվտանգության գոտիներով կահավորված տրանսպորտային միջոցներով երթևեկելիս մեխանիկական տրանսպորտային միջոցի, ինչպես նաև տրամվայի վարորդը պարտավոր է լինել ամրակապված և չփոխադրել անվտանգության գոտիներով չամրակապված ուղևորների:

«Վարչական իրավախախտումների վերաբերյալ» ՀՀ օրենսգրքի 123.3-րդ հոդվածի համաձայն՝ օրենքով նախատեսված դեպքերում տրանսպորտային միջոցների անվտանգության գոտիները չամրակապված կամ սաղավարտը չկոճկված վիճակում կամ առանց սաղավարտի տրանսպորտային միջոցներ վարելը, ինչպես նաև անվտանգության գոտիները չամրակապված կամ սաղավարտը չկոճկված կամ առանց սաղավարտի ուղևոր փոխադրելն առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով, տուգանային միավորի կիրառմամբ՝ 1 միավոր:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

«Վարչարարության հիմունքների և վարչական վարույթի մասին» ՀՀ օրենքի 43-րդ հոդվածի 1-ին կետի համաձայն՝ վարչական մարմինը վարչական վարույթում որպես ապացույց գնահատում է գործում առկա բացատրությունները, ցուցմունքները, փորձագիտական եզրակացությունները, փաստաթղթերը, նյութերը, իրերը, ինչպես նաև այն հանգամանքները, որոնք իր հայեցողությամբ այդ մարմինը պիտանի և անհրաժեշտ է համարում գործի փաստական հանգամանքների բացահայտման և գնահատման համար:

Նույն օրենքի 43-րդ հոդվածի 1-ին կետի «բ» ենթակետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

«Վարչարարության հիմունքների և վարչական վարույթի մասին» ՀՀ օրենքի 57-րդ հոդվածի համաձայն՝ գրավոր կամ գրավոր հաստատված վարչական ակտը պետք է պարունակի հիմնավորում, որում պետք է նշվեն համապատասխան որոշում ընդունելու բոլոր էական փաստական և իրավական հիմքերը:(...)

Նույն օրենքի 75-րդ հոդվածի 3-րդ կետի համաձայն՝ վարչական մարմինը վարչական բողոքը քննարկելիս առաջնորդվում է ինչպես գործում առկա, այնպես էլ լրացուցիչ ներկայացվող ապացույցներով:

Վերոգրյալ նորմերի վերլուծությունից պարզ է դառնում, որ դիմողի կողմից 27.06.2023թ.-ին՝ ժամը 02:45-ի սահմաններում, Երևան քաղաքի Սուրբ Գրիգոր Լուսավորիչ փողոցում «Մերսեդես-Բենց» մակնիշի 35 PC 377 հաշվառման համարանիշի տրանսպորտային միջոցը անվտանգության ամրագոտիով չամրակապված վիճակում վարելու և անվտանգության ամրագոտիով չամրակապված ուղևոր տեղափոխելու հանգամանքով պայմանավորված նրա նկատմամբ վարչական իրավախախտման վերաբերյալ արձանագրություններ կազմելուց և որոշումներ կայացնելուց առաջ պարեկային ծառայողը պետք է ապացուցեր իրավախախտման փաստը, քանի որ կայացված որոշումները անձի նկատմամբ ոչ բարենպաստ են և ապացուցման բեռը կրում է արձանագրություն կազմողը: Պարեկային ծառայողի կողմից չի ներկայացվել ոչ մի ապացույց, որով կհիմնավորվեր իրավախախտման փաստը:

Այսինքն՝ պարեկային ծառայողը, կրելով իր որոշմաների հիմքում դրված փաստական հանգամանքների ապացուցման բեռը, չի ապացուցում իր կողմից կայացված որոշմաների ընդունման համար հիմք հանդիսացած փաստական հանգամանքների առկայությունը:

Այսպիսով, ելնելով վերոգրյալից և ղեկավարվելով ՀՀ օրենքի 63-րդ հոդվածի 1-ին մասի և «Վարչական իրավախախտումների վերաբերյալ» ՀՀ օրենքի 293-րդ հոդվածի 1-ին մասի 3-րդ կետով՝

ՈՐՈՇԵՑԻ

1. ՀՀ ՆԳՆ պարեկային ծառայության վարչական իրավախախտման վերաբերյալ գործով 27.06.2023թ. կայացված թիվ 8300664967 և թիվ 8300664971 որոշումները բեկանել և վարչական իրավախախտումների վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

**Պեպի պարտականությունների
ժամանակավոր կապարող,
ոստիկանության գնդապետ՝**



Ա. Մաթևոսյան